




ՀԱՄԱԳՈՐԾԱԳՈՒԹՅՈՒՆ

ՎՐԱՍՏԱՆԻ ՎԱՐՉԱՊԵՏԸ ՄԱՍՆԱԿՅԵՑ ԲՈՍՖՈՐԻ ՏԱԿ ԱՆՅՆՈՂ ԹՈՒՆԵՆԻ ԲԱՅՄԱՆԸ

(Սկիզբը՝ 1-ին էջում)

կուրբյան վարձը կկազմի թուրքական 15 լիրա, իսկ 2017 թվականի հունվարի 1-ից մարդատար ավտոմեքենաների համար ուղեւորավարձը կկազմի 4 դոլար+ՀԱՀ (17,4 լիրա), իսկ միկրոավտոբուսների համար՝ 6 դոլար+ՀԱՀ (25 լիրա): Թուրքիայում բեռնատար ավտոտրանսպորտային միջոցներով երթևեկությունը արգելված է: Թուրքիայում ուղեւորության վճարումն իրականացվում է ավտոմատորեն HGS եւ OGS համակարգերով:

Ծրագրավորված է, որ թունելով առօրյա կօգտվի 1220 հազար ավտոմեքենա: Ստամբուլի երկու հատվածների միջև ճանապարհի տեւողությունը ներկայումս 100-ից կկրճատվի մինչև 15 րոպե:

Առաջիկայում ծրագրվում է նաեւ թունելով երկաթուղային ուղու գործարկումը, ինչը թույլ կտա Ախալքալաքի անցումով Թբիլիսիից, Պեկինից, Տաշքենդից... գնացքով հասնել Ստամբուլ, Փարիզ, Լոնդոն...

Թունելի շինարարության աշխատանքները իրականացվում էին Բոսֆորի նեղուցի տակ՝ 106 մետր խորության վրա: Թունելի շինարարությունը անցկացվեց հինգ տարվա ընթացքում: Նախագծի ընդհանուր արժեքը՝ 1,25 միլիարդ դոլար:

Եվրասիական թունելի բացման շրջանակներում, Վրաստանի վարչապետ Գիորգի Կվիրիկաշվիլին հանդիպում ունեցավ Թուրքիայի նախագահ Ռեջեփ Թայիփ Էրդողանի, վարչապետ Բինալի Ըլըրըմի հետ:



Հանդիպմանը Վրաստանի վարչապետը խստորեն դատապարտեց վերջին ժամանակներում Թուրքիայում տեղի ունեցած ահաբեկչությունները, այդ թվում՝ Թուրքիայում Ռուսաստանի դեսպանի սպանությունը: Վրաստանի վարչապետը հարգանքի տուրք մատուցեց դեկտեմբերի 10-ի ահաբեկչական գործողության ընթացքում Բեշիկթաշի մարզադաշտում զոհվածների հիշատակին:

ՄԻՍՈՆ ԿԻԼԱԶԵ

ՀԱՄԱՏԵՂ ԸՆԴՈՒՆԵԼՈՒԹՅՈՒՆ

ՆՇՎԵՅԻՆ ԶԵՌՔԲԵՐՈՒՄՆԵՐՆ ՈՒ ԿԱՆԽԱԳԾՎԵՅԻՆ ԱՌԱՋԻԿԱ ԾՐԱԳՐԵՐԸ

(Սկիզբը՝ 1-ին էջում)

ման կարիք ունի: Երկրի առջև ծառացած մարտահրավերների մասին խոսելիս, նշեց տնտեսական իրավիճակի կայունացման ու երկրի տարածքների բռնազավթման հիմնախնդիրը: Նախագահի ընդգծմամբ, այդ մարտահրավերները Վրաստանի համար նշանակալից կլինեն նաեւ 2017 թվականին:

Նախագահից հետո հյուրերին խոսքով դիմեց վարչապետ Գիորգի Կվիրիկաշվիլին: Նրա սահմանմամբ, 2016 թվականը Վրաստանի համար՝ ինչպես ձեռքբերումների, այնպես էլ լուրջ

մարտահրավերների տարի է: Գիորգի Կվիրիկաշվիլին երախտագիտություն հայտնեց Վրաստանի բարեկամներին ու գործընկերներին՝ ցուցաբերած աջակցության համար եւ վստահեցրեց, որ երկրի արեւմտամետ կուրսը կմնա անփոփոխ: «Մեր երկրի արեւմտյան, ժողովրդավարական վեկտորն արտակարգ նշանակալից է մեր ժողովրդի բարեկեցության ապահովման համար: Դրա համար մեր բնակիչները ստիպված հաղթահարում են բազում դժվարություններ, սակայն մենք հուսով ենք, նաեւ՝ վստահ մեր ընտրած ուղղու իրատեսության հարցում», - ընդգծեց վարչապետը:

ՏԱՐԱԴՐԱՄ

ՎԱՏԱՀՈՒԹՅԱՆ ՔՎԵ՝ ԿԱՌԱՎԱՐՈՒԹՅԱՆՆ ՈՒ ԱԶԳԱՅԻՆ ԲԱՆԿԻՆ

Վրաստանի նախագահը վստահություն է հայտնել վարչապետի գլխավորած երկրի կառավարությանը եւ Ազգային բանկի նախագահին, ազգային տարադրամի՝ լարիի կուրսի կայունացման հարցում: Այդ մասին հայտարարեց նախագահի մամուլ խոսնակ Էկա Միշվելաձեն:

Երկրի առաջին դեմքը վստահում է Գիորգի Կվիրիկաշվիլուն եւ Կոբա Գվեճետաձեին ու գտնում է, որ նրանց որակավորումն ու համագործակցությունը կհանգեցնի արդյունավետ արդյունքի եւ մոտ ժամանակներում ազգային տարադրամը հնարավոր կլինի կայունացնել», - հայտարարեց Էկա Միշվելաձեն:

Նրա խոսքով, նախագահը ողջունում է նաեւ կառավարության տնտեսական թիմը խորհրդարան իրավիճակում մասին ընդդիմության նախաձեռնությունը, որպեսզի վրաց հասարակայնությունը կարողանա ծանոթանալ այդ հարցում կառավարության դիրքորոշման հետ:

Նշեմք, որ, դեկտեմբերի 20-ին, տարադրամային աճուրդին Վրաստանի Ազգային բանկը վրացական տարադրամի՝

լարիի պաշտպանության համար դուրս բերեց 40 միլիոն ԱՄՆ դոլար: Չնայած նման ներդրման, դեկտեմբերի 20-ին, Ազգային բանկի պաշտոնական տվյալներով, մեկ դոլարի համեմատությամբ, լարիի արժեքը կազմեց 2,7831, ինչը, նախորդ օրվա համեմատությամբ, 4 թեթրիով արժեզրկվել է: Տարադրամի փոխանակման կետերում, ամերիկյան դոլարը վաճառվում է 22,81-2,82 լարիով:

Ինչպես նշված է Վրաստանի Ազգային բանկի դեկտեմբերի 20-ի տարածած հայտարարության մեջ, լարիի արժեզրկումը պայմանավորված է դոլարի համընդհանուր ամրացմամբ եւ թուրքական լիրայի արժեզրկման հետ, ինչպես նաեւ համընդհանուր սպասումների հետ: Սակայն, չնայած այդ հիմնա-

րար գործոններին, արժեզրկման ընթացիկ կուրսը շատ ավելի բարձր է, քան դա պայմանավորված է իրատեսական սպասումների հետ:

Նշեմք, որ Վրաստանի Ազգային բանկը հոկտեմբերի 22-ից հետո, երբ սկսվեց լարիի առօրյա արժեզրկումը եւ, որը մինչ օրս կորցրել է իր արժեքի 19 տոկոսը, տարադրամի շուկայում նշանակալի ներդրումներ չի իրականացրել:

Սկսած 2016 թվականից, Ազգային բանկը դեկտեմբերի 22-ին իրականացրեց իր 24-րդ դոլարային ներդրումը եւ վաճառել, ընդհանուր առմամբ, 2280 միլիոն դոլար, դիմացը գնել 278,35 միլիոն դոլար:

2017 թվականի նոյեմբերի դրությամբ, Վրաստանի Ազգային բանկի միջազգային տարադրամային պահուստը կազմել է 2,779 միլիոն ԱՄՆ դոլար, հոկտեմբերին այդ ցուցանիշը հասնում էր 2,760 միլիոն դոլարի, իսկ անցյալ տարվա նոյեմբերին՝ 2,479 միլիոն դոլարի:

ՄԱՍՈՒԿԱ ԽԱՉԱՐԱՉԵ. «ԿԱՐԾՈՒՄ ԵՄ, ԱՄԵՆ ԻՆՉ ԼԱՎ ԿԼԻՆԻ»

Մեկնաբանելով ազգային տարադրամի՝ լարիի կուրսի փոփոխությունները, TBC բանկի դիտորդական խորհրդի նախագահ Սամուկա Խազարաձեն հայտարարեց, որ, իր կարծիքով, ամեն ինչ լավ կլինի եւ համոզվածություն պայտնեց, որ 2017 թվականը հաջողակ կլինի երկրի էկոնոմիկայի համար:

Նրա խոսքով, եթե հետեւենք մյուս տարադրամներին, ապա, կտեսնենք, որ վիթխարի անկում են ապրել անգլիական ֆունտը եւ մյուս տարադրամները: Խազարաձեն նշեց, որ լարիի արժեզրկման հիմնարար ոչ մի պատճառ գոյություն չունի: «Մենք լավատեսորեն ենք տրամադրված: 2017 թվականին մեզ լուրջ զարգացում է սպասում: Տարբեր ուղղություններով

կմեկնարկենք շատ նախագծեր, ինչը կրկին անգամ հաստատում է, որ առաջիկայում կլինի առաջընթաց եւ հանգստություն», - հայտարարեց Սամուկա Խազարաձեն:



ԵՎՐԱԻՆՏԵԳՐՈՒՄ



ՎՐԱՍՏԱՆԻ ՀԱՄԱՐ ԱՆԱՅՑԵԳՐԱՅԻՆ ՊԱՅՄԱՆԱԿԱՐԳԸ ՀԱՍՏԱՏՎԵՑ


Եվրամիության խորհուրդը հաստատեց այցեգրային ազատականացումը Վրաստանի համար: Այդ մասին ասված է խորհրդի հայտարարության մեջ, որը դեկտեմբերի 20-ին տարածվել է Բելգիայի մայրաքաղաքում:

«2016 թվականի դեկտեմբերի 20-ին ԵՄ երկրների մշտական ներկայացուցիչները խորհրդի անունից հաստատեցին Վրաստանի համար այցեգրային ազատականացման վերաբերյալ Եվրախորհրդարանի հետ համաձայնագիրը», - նշվում

է փաստաթղթում:

Հաջորդ է վերջին քայլը պետք է դառնա Եվրախորհրդարանի եւ ԵՄ խորհրդի կողմից այդ որոշմանը հավանություն տալը: «Ինստիտուտները ելուն են այն բանից, որ Վրաստանի համար այցեգրային

ազատականացման համաձայնագրի ուժի մեջ մտնելը պետք է տեղի ունենա երրորդ երկրների համար անայցեգիր ռեժիմի կասեցման մեխանիզմի մասին նոր օրենքի ուժի մեջ մտնելու հետ միաժամանակ», - ընդգծվում է հայտարարության մեջ:



ԹՈՒՐԲԻԱ ՍՏԱՄԲՈՒԼՈՒՄ ՍՊԱՆԿԵԼ Է ՌՈՒՍԱՍՏԱՆԻ ԴԵՄՊԱՆԸ

Անկարայում ժամանակակից արվեստների պատկերասրահում, ուր տեղի էր ունենում «Ռուսաստանը թուրքերի աչքերով» ֆոտոցուցահանդեսի բացումը, դեկտեմբերի 19-ին 22-ամյա թուրք Մեւլուք Մերթ Ալթընթաշը թիկունքից կրակել է Թուրքիայում ՌԴ արտակարգ եւ լիազոր դեսպան Անդրեյ Կառլովի վրա, ով մահացել է հիվանդանոցի ճանապարհին: Մարդասպանը վանկարկել է «Ալլահ ու աքբար» («Աստված մեծ է»), «Հալեպը չենք մոռանա» եւ այլն: Նա եւս չեզոքացվել եւ սպանվել է թուրք իրավապահների կողմից:

Կառլովի մարմնի վրա կրակոցի 11 հետք է հայտնաբերվել:

Հայտնի է դարձել, որ մարդասպանը կարողացել էր մտնել ժամանակակից արվեստների թանգարան՝ ցույց տալով իր ոստիկանական վկայականը:

ԳԵՐՄԱՆԻԱ ԱՐԱԲԵԿԶԱԿԱՆ ԳՈՐԾՈՂՈՒԹՅՈՒՆ ԲԵՈՒՆՈՒՄ

Դեկտեմբերի 19-ի երեկոյան, Բեռլինում Վիլիելմ կայսեր հիշատակի եկեղեցու մերձակա Սուրբճմնույան տոնավաճառում մարդկանց բազմության մեջ է մխրճվել բեռնատար ավտոմեքենա: Միջադեպը տեղի է ունեցել տեղական ժամանակով երեկոյան ժամը 8-ին մոտ: Բեռնատարը 50-80 մետր անցել է տոնավաճառի տարածքում բազմության մեջ մխրճվելով 60-80 կիլոմետր/ժամ արագությամբ:

Ըստ վերջին տվյալների, ողբերգության հետեւանքով զոհվածների թվաքանակը հասել է 12-ի, եւս 50 հոգի հոսպիտալացված է: Գերմանիայի ՆԳ նախարարությունը Բեռլինի տոնավաճառում տեղի ունեցածը որակել է որպես ահաբեկչություն:

ԱՄՆ ՔՎԵԱՏՈՒՆԵՐԻ ԿՈՒԵԳԻԱՆ ՀԱՍՏԱՏԵՑ ԹՐԱՄՓԻ ՀԱՂԹԱՆԱԿԸ

Քվետաուների կոլեգիայի քվեարկության արդյունքները, որը ԱՄՆ-ում տեղի է ունեցել դեկտեմբերի 19-ին, հաստատել են հանրապետական Դոնալդ Թրամփի հաղթանակը՝ երկրի նախագահական ընտրություններում: Նրա հաշվարկների համաձայն, Թրամփն ապահովել է կոլեգիայի 304 անդամների, իսկ Զիմերմանը՝ 227-ի աջակցությունը:

Ընդհանուր առմամբ, ընտրություններում քվեարկած քաղաքացիների կամքին հակառակ է քվեարկել յոթ հոգի: Նրանցից երկուսը՝ Տեխասի բնակիչներ, Թրամփի փոխարեն պաշտպանել են Ռոն Փոլին եւ Օհայոյի նահանգի նահանգապետ Ջոն Բեյսիկին:

Եվս հինգ քվետաուներ՝ չորսը՝ Վաշինգտոնի նահանգում եւ մեկը՝ Հավայներում, հրաժարվել են պաշտպանել Զիմերմանին:

ՄԱԿ ԲԱՆԱԶԵՎ՝ ՀԱԼԵՊՈՒՄ ԴԻՏՈՐԴԱԿԱՆ ԱՌԱՔԵԼՈՒԹՅԱՆ ՎԵՐԱԲԵՐՅԱԼ

ՄԱԿ-ի Անվտանգության խորհուրդը միաձայն բանաձեւ է ընդունել Հալեպի արեւելյան հատվածում տարհանման եւ բնակչությանը հումանիտար օգնություն հասցնելու գործընթացների նկատմամբ միջազգային դիտորդական առաքելություն սահմանելու հարցում: Փաստաթղթի կոմպրոմիսային տարբերակն առաջարկվել է Ռուսաստանի եւ Ֆրանսիայի համատեղ գործունեության արդյունքում:

Բանաձեւը հանձնարարում է կազմակերպության գլխավոր քարտուղարին համապատասխան պայմաններ ստեղծել, այդ թվում՝ ապահովել շահագրգիռ կողմերի միջև խորհրդատվություններ, որպեսզի դիտորդական առաքելություն իրականացնեն համապատասխան վերապատրաստում անցած մասնագետներ:

Շաբաթից շաբաթ. Փաստեր եւ իրադարձություններ

ՀԱՂՈՐԴՈՒՄ ԵՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՑՆԵՐԸ



ՅԵՄՈՆԱՅԼՁՅՈՆ
ՆԱՅՆԱՆԵՄՐՈ

ԵԿԱՄՈՒՏՆԵՐԻ ԾԱՌԱՅՈՒԹՅՈՒՆ

ՀԱՆԴԻՊՈՒՄ՝ ԲԻԶՆԵՍ ԱՍՈՑԻԱՑԻԱՅԻ ԱՆԴԱՄՆԵՐԻ ՀԵՏ

Դեկտեմբերի 20-ին, շաիւթահարկի հարկադրման նոր կարգի ներկայացման ու դրա քննարկման նպատակով, Վրաստանի ֆինանսների առաջին փոխնախարար, եկամուտների ծառայության պետ Գիորգի Թաբուաշվիլին, ֆինանսների փոխնախարար Լաշա Խուցիշվիլին, ֆինանսների նախարարության ու եկամուտների ծառայության մյուս աշխատակիցները բիզնես ասոցիացիայի գրասենյակում հանդիպում ունեցան Վրաստանի բիզնես ասոցիացիայի անդամների հետ:



ԶԻԱՅՏԱԳՐՎԱԾ ԱՊՐԱՆՔՆԵՐ ԵՎ ԹՄՐԱՆՅՈՒԹ՝ ՍԱՀՄԱՆԱՅԻՆ ԱՆՑՈՒՄԱԿԵՏԵՐՈՒՄ

Դեկտեմբերի 14-15-ին, «Թբիլիսիի օդանավակայան», «Կարմիր կամուրջ» սահմանային անցումակետերում, մաքսային աշխատակիցները, հիմնավորված կասկածի հիման վրա խուզարկության արդյունքում, հայտնաբերեցին չհայտագրված ապրանք: Մասնավորապես, «Թբիլիսիի օդանավակայան» սահմանային անցումակետում բացահայտվել է 427091,61 լարիի արժողության չհայտագրված ապրանք: Գործը հետագա արձագանքման համար փոխանցվել է Ֆինանսների նախարարության հետաքննչական ծառայությանը, իսկ «Կարմիր կամուրջ» սահմանային անցումակետում բացահայտվել է 11786,34

լարիի չհայտագրված ապրանք: Վրաստանի հարկային օրենսգրքի 289-րդ հոդվածի 10-րդ մասի համաձայն, չհայտագրված ապրանք փոխադրող քաղաքացին, որպես պատիժ, տուգանվել է 11768,34 լարիով:

Դեկտեմբերի 14-18-ին «Սադախլո ավտոմեքենա» եւ «Կարմիր կամուրջ» սահմանային անցումակետերում, մաքսային աշխատակիցները հայտնաբերել են մարիխուանա (7,68 գրամ) թմրանյութը: Գործի նյութերը, հետագա արձագանքման նպատակով, փոխանցվել են Վրաստանի ներքին գործերի նախարարության համապատասխան մարմին:

ԲԱՑԱՀԱՅՏՎԵԼ Է ՀԱՐԿԱՅԻՆ ԻՐԱՎԱԽԱՆՏՄԱՆ 931 ԴԵՊԵ

Դեկտեմբերի 12-18-ին, եկամուտների ծառայության հարկային մոնիտորինգի ղեկարարամենտի կողմից, երկրի մասշտաբով անցկացված ընթացիկ վերահսկողության միջոցառումների արդյունքում, բացահայտվել է հարկային իրավախախտման 931 դեպք, մասնավորապես, եկա-

մուտների ծառայության հարկային մոնիտորինգի ղեկարարամենտի աշխատակիցների կողմից ստուգվել է 7353 հարկատու: Ստուգման արդյունքում վավերացվել են հետեւյալ իրավախախտումները. առանց ապրանքագրերի ապրանքների փոխադրման՝ 64 դեպք, տնտեսա-

կան գործունեության հարկադրման Վրաստանի օրենսդրությամբ սահմանված կարգի խախտման՝ 103 դեպք, կանխիկ գումարով սպառողների հաշիվ-հաշվարկման ընթացքում, վերահսկիչ զանձարկային սարքի չօգտագործման՝ 7644 դեպք: **ՀԻՎ ԵԿԱՄՈՒՏՆԵՐԻ ԾԱՌԱՅՈՒԹՅՈՒՆ**

ՍՈՑԻԱԼԱԿԱՆ

ԷԼԵԿՏՐԱԼԵՆԵՐԳԻԱՅԱԻ ԵՎ ԳԱԶԻ ՍԱԿԱԳՆԻ ԱՎԵԼԱՑՈՒՄԸ ԶԻ ԲԱՑԱՌՎՈՒՄ

Ինչպես հայտարարեց էներգետիկայի եւ ջրամատակարարման ազգային հանձնաժողովի նախագահ Իրինե Միլորովան, էլեկտրաէներգիայի եւ բնական գազի սպառողական սակագների ավելացումը բացառված չէ:

Դեկտեմբերի 20-ին հանդես գալով խորհրդարանի ճյուղային էկոնոմիկայի եւ տնտեսական քաղաքականության կոմիտեի նիստում, նա հայտարարեց, որ սակագների կապակցությամբ վերջնա-

կան որոշումը կընդունվի հաջորդ չաբաթ: «Սովորաբար մինչեւ սպառողական սակագնի մասին որոշում ընդունելը, մենք որոշում ենք ընդունում դիսպետչերիզացման սակագնի, էլեկտրակայանների սա-

կագնի հարցով: Մենք արդեն քննարկել ենք դիսպետչերիզացման եւ պետական էլեկտրահամակարգի սակագների հարցերը: Մոտ ժամանակներում կքննարկենք ջերմաէլեկտրակայանների, ապա՝ հիդրոէլեկտրակայանների սակագների հարցը, որից հետո կկարողանանք որոշում ընդունել սպառողական սակագների մասին», - հայտարարեց Իրինե Միլորովան:



ԿՐԹԱԿԱՆ

ԱԼԵՔՍԱՆԴՐԵ ԶԵՖԵԼԱՎԱ. «ԴՊՐՈՑԻՑ ԿՀԵՌԱՑՎԵՆ ՆՐԱՆՔ, ՈՎՔԵՐ ՊԵՏՔ Է ԳՆԱՆ»

Ինչպես հայտարարեց Վրաստանի կրթության եւ գիտության նախարար Ալեքսանդրե Զեֆելավան, դպրոցից կհեռացվեն նրանք՝ ովքեր պետք է գնան:

Նրա խոսքով, ուսուցիչների մասնագիտական զարգացման սխեման թույլ է տալիս բոլորին անցնել մասնագիտական զարգացում: Նախարարի պարզաբանմամբ, ինքը վստահ չէ, որ նոր սխեմայի ներդրումից հետո, մանկավարժները 100 տոկոսով կհաղթահարեն արգելագիծը: Դպրոցից կհեռացվեն նրանք, ովքեր պետք է գնան: Այն ժամանակ, երբ ուսուցիչը պահանջում է քննության համձնություն, սակայն չեն ապահովում համապատասխան ուսուցմամբ, դա անարդարացի է: Նոր սխեման բոլորին թույլ կտա ստանալ մասնագիտական զարգացում:

Այն չի նախատեսում քննության անցկացում, քանզի ամոթ է անցկացնել այն մարդկանց քննությունը, ովքեր զբաղված են սերունդների դաստիարակությամբ», - հայտարարեց Զեֆելավան:

Կրթության նախարարը չի բացառում, որ կվերակառուցվի նաեւ նախարարության աշխատակազմը: Խոսելով գերատեսչությունում ծրագրված վերակառուցման մասին, Ալեքսանդրե Զեֆելավան նշեց, որ ծրագրվում է կիսով չափ նվազեցնել ռեսուրս-կենտրոններում իրավաբանների թիվը: Նախարարի խոսքով, ռեսուրս-կենտրոնների 73 շրջանային

բաժիններում աշխատում էին մեկական իրավաբաններ եւ վերակառուցման արդյունքում կմնա 36-37 իրավաբան:

Նախարարի խոսքով, օպտիմալացումը կառնչվի նաեւ տարածաշրջանային աուդիտի ծառայության ներկայացուցիչներին: Զեֆելավան նպատակահարմար է համարում ֆինանսական ռեսուրսների խնայողության նպատակով, առանձին դեպքերում, դպրոցներում, համացանցի մասնագետների աշխատավարձը կախարեն, օգտվել համացանց ընկերությունների ծառայությունից:

Ալեքսանդրե Զեֆելավան չի բացառում նաեւ նախարարության աշխատակազմի վե-



րակառուցումը. «Նախ, կսկսենք դրանից, քանզի այլ ծառայություններից սկսելը կլինի սխալ: Կրթության որակի հետ կապված ծառայություններում աշխատողների թվա-կազմն ու աշխատավարձը կավելացվի», - հայտարարեց Ալեքսանդրե Զեֆելավան եւ հավելեց, որ վերակառուցման արդյունքում գերատեսչությունից կազատվեն 200-250 մարդ:

ՇՆՈՐՀԱՎՈՐԱՆՔ ԱՄՈՒՄՆՈՒԹՅԱՆ ԱՌԹԻՎ



Վրաստանի վարչապետ Գիորգի Կվիրիկաշվիլին կառավարության հերթական նիստում Արդարադատության նախարար Թեա Ծուլուկիանուն շնորհավորեց ամուսնության առթիվ: «Մեր գործընկեր Թեա Ծուլուկիանուն շնորհավորում ենք ընտանիքի կազմման առթիվ: Ցանկանում են, մաղթել երջանկություն եւ մեր երկրի համար բազում օգտակար գործերի կատարում», - հայտարարեց Գիորգի Կվիրիկաշվիլին:

Նշենք, որ դեկտեմբերի սկզբներին տեղի ունեցավ Վրաստանի Արդարադատության նախարար Թեա Ծուլուկիանուն ամուսնության արարողությունը: Նրա ամուսինը՝ Նուզդար Կակուլիան, նախկինում աշխատում էր Արդարադատության նախարարությունում եւ զբաղեցնում էր արդարադատության ուսումնական կենտրոնի տնօրենի պաշտոնը:

«Վրաստան» թերթի խմբագրությունը ի սրտե շնորհավորում է տիկին Թեա Ծուլուկիանուն եւ Նուզդար Կակուլիային՝ ամուսնության առթիվ, մաղթում երջանկություն, հաջողություններ:

ՆԵՐԿԱՅԱՑՎԵՑ ՓԱՏՍԱԹՈՒՂԸ ԶԻՆՎԱԾ ՈՒԺԵՐԻ ՎԵՐԱԲԵՐՅԱԼ

Վրաստանի նախագահի խորհրդարանական քարտուղար Աննա Դոլիձեն խորհրդարանի հաստատմանը ներկայացրեց երկրի ազգային անվտանգության խորհրդի կողմից պատրաստած Վրաստանի զինված ուժերի թվաքանակության վերաբերյալ փաստաթուղթը:

Ինչպես հայտարարեց Աննա Դոլիձեն, 2017 թվականի համար Վրաստանի զինված ուժերում սահմանված է 37 հազար մարդ:

«Հաջորդ տարի զինված ուժերի թվաքանակությունը կմնա անփոփոխ: Այն չի փոխվի նաեւ այս տարի: Հուսով ենք, որ փաստաթուղթը կարժանանա խորհրդարանի աջակցությանը», - հայտարարեց Աննա Դոլիձեն:

ԲՈՒՐՈՒԼԱԶԵՆ ԹՈՂՆՈՒՄ Է ՔԱՂԱՔԱԿԱՆՈՒԹՅՈՒՆԸ

Պատա Բուրժուլաձեն մեկնում է արտասահման եւ վերադառնում բեմ: Նա այդ մասին հայտարարել է «Պետությունը ժողովրդի համար» կուսակցության հանդիպման ժամանակ:

Կուսակցության նոր նախագահը կլինի 24-ամյա Նիկա Մաչուտաձեն: Բուրժուլաձեի կուսակցությունն ընտրություններին հավաքել է ծայրերի 3.45%-ը (ընտրողների 60000 ծայր), այդ իսկ պատճառով դարձել որակավորված սուբյեկտ: Կուսակցությունը առաջիկա 4 տարիներին կստանա ֆինանսավորում 195 հազար լարիի չափով:

ՏԱՐԱԴՐԱՄԻ ՓՈԽԱՆԱԿԱՄԱՆ ԿՈՒՐՍԸ

(23 դեկտեմբերի)

Ազգային բանկի կողմից սահմանվել է տարադրամի հետեւյալ կուրսը:

ՏԱՐԱԴՐԱՄ	ԱՌՔ	ՎԱՃԱՌՔ
ԱՄՆ ԴՈԼԱՐ	2.635	2.785
ԵՎՐՈ	2.727	2.934
ՌՈՒՐԼԻ	0.041	0.049
ԴՐԱՄ	0.004	0.006

Դեկտեմբերի 16-ի համեմատությամբ, դոլարի կուրսը աճել է մոտ 0,01 լարիով:

ՎՐԱՍՏԱՆ-ՀԱՅԱՍՏԱՆ

ՕՐԱԿԱՐԳՈՒՄ ՎՐԱՅ-ՀԱՅԿԱԿԱՆ ՈԱԶՄԱԿԱՆ ՀԱՄԱԳՈՐԾԱԿՈՒԹՅԱՆ ՀԱՐՑԵՐՆ ԷԻՆ

(Սկիզբը՝ 1-ին էջում)

Բարձր գնահատելով երկու պետությունների համագործակցությունը տարբեր բնագավառներում եւ ընդգծելով հարաբերությունների զարգացման անհրաժեշտությունը՝ կողմերը շեշտեցին նաեւ տարածաշրջանում խաղաղության եւ անվտանգության ապահովման կարեւորությունը՝ որպես տարածաշրջանի պետությունների կայուն զարգացման անհրաժեշտ նախապայման:

Վրաստանի եւ Հայաստանի պաշտպանության նախարարներ Լեւան Իզորիայի ու Վիգեն Սարգսյանի հանդիպումն սկսվեց առանձնագրույցից, որին հաջորդեց երկու երկրների պաշտպանական գերատեսչությունների պատվիրակությունների հանդիպումն ընդլայնված կազմով: Հանդիպումների ընթացքում քննարկվեցին վրաց-հայկական ռազմական համագործակցությունն ու ապագա ծրագրերը: Կողմերն անդրադարձան նաեւ տարածաշրջանային անվտանգության խնդիրներին:

Բանակցություններն ավարտվեցին Վրաստանի եւ Հայաստանի պաշտպանության նախարարությունների միջեւ երկկողմ համագործակցության 2017թ. ծրագրի ստորագրման արարողությամբ: Բանակցությունների արդյունքներն ամփոփվեցին Վրաստանի եւ Հայաստանի պաշտպանության նախարարների համատեղ մամուլի ասուլիսում:

Այցի շրջանակներում՝ Հայաստանի պաշտպանության նախարարը հանդիպեց Վրաստանի խորհրդարանի պաշտպանության ու անվտանգության հանձնաժողովի նախագահ Իրակլի Սեսիաշվիլի եւ Վրաստանի արտաքին գործերի նախարար Միխեիլ Ջանելիձեի հետ: Հանդիպումների ընթացքում քննարկվեցին վրաց-հայկական բարեկամա-



կան հարաբերությունները տարբեր բնագավառներում, համագործակցության ներկա մակարդակն ու զարգացման հեռանկարները եւ երկկողմ հետաքրքրությունները երկկայացնող այլ հարցեր: Անդրադարձ կատարվեց նաեւ տարածաշրջանային անվտանգության ու կայունության պահպանման ու ամրապնդման խնդիրներին: Կողմերը վերահաստատեցին Վրաստանի եւ Հայաստանի կառավարությունների միջեւ համագործակցությունը զարգացնելու պատրաստակամությունը:

Նույն օրը Վրաստանի պատրիարքարանում կայացավ Համայն Վրաստանի Կաթողիկոս-Պատրիարքի հանդիպումը Հայաստանի պաշտպանության նախարարի հետ: Զրույցի ընթացքում քննարկվեցին վրաց-հայկական բարեկամական հարաբերությունները, անդրադարձ կատարվեց երկու բարեկամ ժողովուրդների զորացման ու ամրապնդման, համամարդկային արժեքների վրա հիմնված համագործակցությունը զորացնելու հնարավորություններին:

Հայաստանի պաշտպանության նախարար Վիգեն Սարգսյանը՝ պատվիրակության անդամների հետ այցելեց Զեռուների հրապարակ եւ ծաղկեպսակ դրեց Վրաստանի տարածքային ամբողջականության համար զոհվածների հուշահամալիրի մոտ:

ՎԻԳԵՆ ՍԱՐԳՍՅԱՆ. «ԱՊՐԻԼՅԱՆ ՊԱՏԵՐԱԶՄԻ ՕՐԵՐԻՆ ԵՐԵՎԱՆԻ ԵՎ ԹԲԻԼԻՍԻ ՄԻՋԵՎ ՇՓՈՒՄՆԵՐ ՆՆ ԵՂԵԼ»

Հայաստանի պաշտպանության նախարարի հարցազրույցը՝ «Ազատության» վրացական ծառայությանը

Վրաստանում գտնվող՝ Հայաստանի պաշտպանության նախարար Վիգեն Սարգսյանը, Թբիլիսում հարցազրույց է տվել «Ազատության» վրացական ծառայությանը, որում նշել է, թե ապրիլյան պատերազմի օրերին Հայաստանի եւ Վրաստանի պաշտպանական ու արտաքին գերատեսչությունների միջեւ շփումներ են եղել:

«Վրացի գործընկերները շատ անհանգստացած էին, նրանք իրենց ջանքերն են առաջարկել՝ երկխոսության ուղիներ գտնելու եւ ռազմական գործողությունները դադարեցնելու հարցում», - մասնավորապես, ասել է Սարգսյանը: «Մենք խորապես համոզված ենք, որ հրադադարի հաստատման համաձայնությանն առնչվող բոլոր փաստաթղթերը, որ 1994-95 թվականներին Բաքվի խնդրանքով ստորագրել են Ադրբեյջանը, Լեռնային Ղարաբաղն ու Հայաստանը, հանդիսանում են անժամկետ փաստաթղթեր, որոնք իրենց իրավական ուժը պահպանում են մինչեւ հակամատուցության խաղաղ կարգավորում», - ընդգծել է Վիգեն Սարգսյանն ու շարունակել՝

«Մենք ձգտում ենք կարգավորման, այդ ուղղությամբ շատ ակտիվորեն աշխատում է ԵԱՀԿ Մինսկի խումբը, եւ մենք հավատում ենք, որ կողմերի ցանկության դեպքում հակամարտության կարգավորումը հնարավոր է, որովհետեւ համաձայնագրերը մի քանի անգամ կողմերին առաջարկներ են ներկայացրել, փաթեթներ, որոնք թույլ կտային դուրս գալ ստեղծված իրավիճակից: Ցավոք, ամեն անգամ բանակցություններն ավարտվում են խզումով, ադրբեյջանական կողմը տապալում է դրանք: Բայց մենք չենք կորցնում ո՛չ մեր համբերությունը, ո՛չ էլ հույսը, որ առողջ բանականությունը կհաղթի, եւ մեր դիվանագետները կշարունակեն ջանքերը՝ խաղաղ կարգավորման ուղիներ գտնելու համար»:

Սարգսյանի խոսքով, Հայաստանի պաշտպանության նախարարությունը պետք է միշտ պատրաստ լինի իրավիճակի հնարավոր սրացմանը, քանի որ «միշտ հնարավոր են նոր արկածախնդրություններ»: «Եթե փոքր տարածաշրջանում այսքան զենք կա կուտակված ու մնա ուժգին ռազմականացում է ընթանում, ապա պատերազմի վերսկսման հավանականությունը միշտ առկա է»,- «Ազատության» վրացական ծառայությանը տված հարցազրույցում ասել է Հայաստանի պաշտպանության նախարար Վիգեն Սարգսյանը:

ՀԱՅԱՍՏԱՆԻ ՊԱՇՏՊԱՆՈՒԹՅԱՆ ՆԱԽԱՐԱՐԸ ՎԻՐԱՅԱՅՈՑ ԹԵՄՈՒՄ

(Սկիզբը՝ 1-ին էջում)

պետական օրհներգների կատարմամբ, ողջունեցին կենտրոնում գործող «Սուրբ Մովսես Խորենացի» նախակրթարանի սաները: Հյուրերին ողջունեց Վրահայոց թեմի առաջնորդ Տեր Վազգեն Եպիսկոպոս Միրզախանյանը:

Ողջունելով թեմի առաջնորդին եւ վրահայերին, Հայաստանի պաշտպանության նախարարը խոսեց հայ-վրացական դարավոր բարեկամության մասին, նշելով, որ մեր երկու ժողովուրդների, երկրների միջեւ երբեք որեւէ լուրջ բախում, տարածայնություն չի եղել: Վիգեն

Սարգսյանը, ի մասնավորի խոսեց տարածաշրջանում անվտանգության ապահովման եւ խաղաղության պահպանության գործում Հայաստանի եւ Վրաստանի զինված ուժերի համագործակցության հեռանկարների մասին:

Վրաստանում Հայաստանի դեսպանության ռազմական կցորդ, գնդապետ Սամվել Ռամազյանն ընթերցեց նախարար Վիգեն Սարգսյանի հրամանագիրը՝ դարաբաղյան պատերազմի ազատամարտիկներ, թրխիսաբնակ Ստանիսլավ Մանուկյանին, Արթուր Բեգլյանին եւ «Հայարտուն» կենտրոնի տնօրեն Լեւոն Զիդիլյանին՝ «Քարեզին Նժդեհ» մեդալով պարգևատրելու մասին:

Հայաստանի նախարարը պատասխանեց ներկայներին հետաքրքրող հարցերին:

Հ ա յ ա ս տ ա ն ի պաշտպանության նախարարն իր հանդիպումն ավարտեց հայ համայնքին ուղղված գալիք Ամանորի բարենաղթանքով:

Հայաստանի պաշտպանության նախարար Վիգեն Սարգսյանին ուղեկցում էին առաջին փոխնախարար Դավիթ Տոնոյանը, գե-



ներալ-լեյտենանտ Էմիլիո Ապրիամովը եւ պատվիրակության մյուս անդամները:

ՀԱՐԿԱՅԻՆ ՕՐԵՆՍԳԻՐԲ

ԽՈՐՀՐԴԱՐԱՆԸ ՀԱՍՏԱՏԵՑ ՀԱՐԿԵՐԻ ԱՎԵԼԱՑՄԱՆ ՕՐԵՆՍԴՐԱԿԱՆ ՓՈՓՈԽՈՒԹՅՈՒՆՆԵՐԸ

(Սկիզբը՝ 1-ին էջում)

բնական գազի 1000 խորանարդ մետրի ակցիզային սակագինը՝ 80-ից 200 լարիի, ավտոմեքենաների քսանյութերի ակցիզային սակագինը՝ 400-ից 800 լարիի:

Եթե կառավարության կողմից առաջարկված նախագծի սկզբնական տարբերակում ակցիզային հարկի ավելացումը առնչվում էր բոլոր տարիքի ավտոմեքենաներին, ապա, խորհրդարանական քննարկումներից հետո, ավտոպարկի նորացման պատրվակով, կառավարությունը համաձայնվեց, որ ակցիզային հարկի ավելացումը կառնչվի միայն 6 եւ ավելի տարիքի ներկրվող ավտոմեքենաներին:

Շարժիչի ծավալի յուրաքանչյուր խորանարդ սանտիմետրի համապատասխան, 6-8 տարվա թողարկման ավտոմեքենաների սակագինը կհասցվի 0,8 լարիի, 9 տարվա մեքենայի համար՝ 0,9 լարիի, տասը տարվա՝ 1,1 լարիի, 11 տարվա՝ 1,3 լարիի, 12 տար-

վա՝ 1,5 լարիի, 13 տարվա՝ 1,8 լարիի, 14 տարվա՝ 2,1 լարիի եւ 14-ից ավելի մեքենաների համար՝ 2,4 լարիի:

Ընդունված փոփոխությունների համաձայն, աջադեմ մեքենաների ակցիզային սակագինը սահմանված է սովորական սակագրի եռակի չափով:

Միաժամանակ, նախկին սակագնով կիրականացվի այն ավտոմեքենաների մաքսային ձեւակերպումները, տեղափոխումը, որը սկսվել է իրականացվել ծովային ուղիով մինչեւ օրենքի հրապարակումը, մինչ այդ նախատեսված 2016 թվականի դեկտեմբերի 1-ը:

Ընդունված փոփոխությունները կհանգեցնեն նաեւ ծխախոտեղենի գնի ավելացման, ինչը, կառավարության ենթադրությամբ, 10 տոկոսով նվազեցնելու է ծխախոտի օգտագործումը:

Կատարված փոփոխությունների համաձայն, ֆիլտրով սիգարետի տուփի ակցիզային հարկը կավելացվի 60 թեթրիով եւ

կհասցվի 1,7 լարիի, իսկ ոչ ֆիլտրով սիգարետիին՝ 30 թեթրիով եւ կհասցվի 0,6 լարիի: Դրա արդյունքում, եւ ծխախոտեղենի մյուս արտադրանքի ակցիզի ավելացման հաշվին, կառավարությունը ծրագրում է բյուջեի եկամուտները ավելացնել 190-200 միլիոն լարիով:

Հարկային օրենսգրքում կատարված փոփոխությունները նախատեսում են նաեւ նոր հարկի ներդրում այն ֆիզիկական անձանց համար, ում ընտանիքի տարեկան եկամուտը գերազանցում է 40 հազար լարին: Նման անձինք պարտավոր են հարկեր մուծել իրենց տնօրինության տակ գտնվող մարդատար մեքենաների համար: Վերջնական տարբերակի համաձայն, այդ հարկը ֆիքսացված չի լինի, ինչպես դա նախատեսված էր սկզբնական տարբերակում, այլ կսահմանվի՝ ելնելով ավտոմեքենայի արժեքից:

Եվս մի փոփոխության համաձայն, տոտալիզատորի հարկերը, մասնավորապես, 5 տոկոսա-

նոց եկամտահարկ-շահութահարկը ավելացվում է մինչեւ 7 տոկոս՝ փոփոխությունների նախնական նախագծում ծրագրված 10 տոկոսի դիմաց:

Միաժամանակ, առանձին փոփոխություններ են նախատեսված խաղային բիզնեսի համաձայն սահմանված սակագներում: Եթե խաղատան մեկ սեղանի հարկը, ներկա դրությամբ, կազմում է 15-ից մինչեւ 30 հազար լարի ներառյալ, իսկ խաղային սարքի հարկը՝ 1500-ից մինչեւ 3000 լարի ներառյալ, ապա, 2017 թվականի հունվարի 1-ից դրանք կավելացվեն, համապատասխանաբար, 20 հազարից մինչեւ 40 հազար եւ 2 հազարից մինչեւ 4 հազար: Բացի այդ, եթե, այսպես կոչված, օնլայն խաղի սակագինը, որն իրականացվում էր համալարգային-էլեկտրոնային տարբերակով, այսօր եռամսյակի հաշվով, կազմում է 30 հազարից մինչեւ 60 հազար լարի, ապա, օրենքում կատարված փոփոխությունների համաձայն, այն ներկայումս

կտատանվի 250-ից 300 հազար լարիի շրջանակներում:

Նշենք, որ դեկտեմբերի 16-ին, երբ խորհրդարանի հաստատմանը ներկայացվեց 2017-2019 թվականների դրամավարկային քաղաքականության փաստաթուղթը, Վրաստանի Ազգային բանկի նախագահ Կոբա Գվենեստաձեն հայտարարեց, որ հարկերի ծրագրված ավելացումը հաջորդ տարի կարող է անմիջականորեն անդրադառնալ տարադրամի արժեզրկմանը՝ 1,5 տոկոսի չափով, ինչը, նրա խոսքերով, չի ներառվի 4 տոկոսի մակարդակով՝ նպատակային ցուցանիշի շրջանակներում:

Նշենք, որ, ընթացիկ տարվա նոյեմբերին, տարեկան արժեզրկումը կազմեց 0,2 տոկոս: Ազգային բանկից 2017 թվականի համար ծրագրվում է 4 տոկոսի արժեզրկում, իսկ խորհրդարանի կողմից դեկտեմբերի 16-ին հաստատված որոշման համաձայն, առաջիկա երկու տարիներին այն կկազմի 3 տոկոս:

ԱՐԵՎԻԿԱ ՄԱՆՈՒԿՅԱՆ